

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**ДОМ НАРОДА
ПРЕДСТАВНИЧКИ ДОМ**

Савјет националних мањина Босне и Херцеговине



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM/ZASTUPNIČKI DOM**

Vijeće nacionalnih manjina Bosne i Hercegovine

Broj: 05/7-39-1-155-45/19

Sarajevo, 25. 1. 2019.

**IZVJEŠTAJ O RADU VIJEĆA NACIONALNIH MANJINA
BOSNE I HERCEGOVINE ZA 2018. GODINU**

Sarajevo, januar 2019. godine

Sadržaj

Sadržaj.....	2
I. Uvodne napomene.....	3
II. Sjednice Vijeća nacionalnih manjina BiH.....	4
III. Priprema i izrada dokumenata.....	6
IV. Priprema i izrada inicijativa.....	7
V. Sastanci.....	9
VI. Informacije.....	9
VII. Rad s medijima.....	10
VIII. Ostale aktivnosti Vijeća nacionalnih manjina BiH.....	10
IX. Zaključak.....	13

IZVJEŠTAJ O RADU
VIJEĆA NACIONALNIH MANJINA BiH
ZA 2018. GODINU

Parlamentarna skupština BiH je Odlukom o osnivanju Vijeća nacionalnih manjina Bosne i Hercegovine („Službeni glasnik BiH“, br. 38/06, 93/08, 53/09 i 60/14) osnovala Vijeće nacionalnih manjina BiH, kao posebno savjetodavno tijelo Parlamentarne skupštine BiH, te Odlukom o imenovanju članova Vijeća nacionalnih manjina Bosne i Hercegovine („Službeni glasnik BiH“, br. 15/08, 53/09, 59/09, 60/13 i 41/16) imenovala članove Vijeća nacionalnih manjina BiH.

I. Uvodne napomene

Na osnovu člana 4. stav (1) Odluke o osnivanju Vijeća nacionalnih manjina Bosne i Hercegovine (u daljnjem tekstu: Vijeće), utvrđeno je da Vijeće daje mišljenja, savjete i prijedloge Parlamentarnoj skupštini BiH o svim pitanjima koja se tiču prava, položaja i interesa nacionalnih manjina u Bosni i Hercegovini.

Također, u skladu s članom 4. stav (2) navedene odluke, Vijeće može delegirati stručnjake u radu ustavnopravnih komisija oba doma Parlamentarne skupštine BiH, Zajedničke komisije za ljudska prava i drugih komisija i radnih tijela Parlamentarne skupštine BiH kada raspravljaju o pravima, položaju i interesima nacionalnih manjina.

U Vijeće su imenovani:

1. HALIL BICAJ (Albanac),
2. DRAGAN MARKOVIĆ (Crnogorac), od 1. 2. 2014,

3. JOVANKA MANZALOVIĆ-ŠALAKA (Čehinja),
4. JAKOB FINCI (Jevrej),
5. TIHOMIR KNEŽIČEK (Italijan),
6. EVA PAŠIĆ-JUHAS (Mađarica),
7. VJEROČKA GAJIĆ (Slovakinja),
8. TODORKA JOVANOVIĆ (Makedonka),
9. VELIBOR KUVAC (Nijemac),
10. DEJAN PIOTROVSKI (Poljak),
11. HAKAN VARAN (Turčin),
12. SILVIJA VUJOVIĆ (Rumunka),
13. MARIJA GRBIĆ (Slovenka),
14. ANDRIJA SVATOK (Ukrajina),
15. MLADEN RADMILOVIĆ (Rus),
16. TIJANA VUČUREVIĆ (Rusinka),
17. NEDŽAD JUSIĆ (Rom).

Odluka je stupila na snagu 30. jula 2013. objavom u "Službenom glasniku BiH", broj 60/13, a Dopuna Odluke objavljena je u "Službenom glasniku BiH", broj 41/16, kojom je dodat jedan član Vijeća

18. DAVOR EBNER (Austrijanac).

Predstavnik Ministarstva za ljudska prava i izbjeglice BiH, nadležan za pitanja nacionalnih manjina, redovno je prisustvovao sjednicama Vijeća. Informacijama i sugestijama kvalitetno je doprinio rješavanju pitanja koja su se odnosila na nadležnost Ministarstva za ljudska prava i izbjeglice, a koja su bila predmet rasprava na sjednicama Vijeća.

II. Sjednice Vijeća nacionalnih manjina BiH

U izvještajnom periodu u toku 2018. godine Vijeće je održalo 12 redovnih sjednica:

Redni broj sjednice i datum održavanja	Broj razmatranih tačaka
33. sjednica, 25. 1. 2018.	Pet
34. sjednica, 21. 2. 2018.	Četiri
35. sjednica, 13. 3. 2018.	Pet

36. sjednica, 16. 4. 2018.	Četiri
37. sjednica, 16. 5. 2018.	Tri
38. sjednica, 27. 6. 2018.	Šest
39. sjednica, 17. 7. 2018.	Četiri
40. sjednica, 30. 8. 2018.	Četiri
41. sjednica, 26. 9. 2018.	Četiri
42. sjednica, 17. 10. 2018.	Tri
43. sjednica, 22. 11. 2018.	Četiri
44. sjednica, 20. 12. 2018.	Tri

Sjednice je sazivao i vodio predsjedavajući Vijeća Tihomir Knežiček.

Na sjednicama se raspravljalo o tačkama koje su bile predviđene Programom rada Vijeća za 2018. godinu, kao i drugim tekućim pitanjima koja se tiču nacionalnih manjina u toku 2018. godine, i to prvenstveno: izvještaj o radu Vijeća, izmjene Poslovnika Vijeća, definiranje i izrada prijedloga kriterija za izbor članova Vijeća nacionalnih manjina BiH, sistemsko finansiranje rada udruženja nacionalnih manjina, obilježavanje značajnih datuma, medijska zastupljenost nacionalnih manjina, aktivnosti publiciranja Zbornika radova s Konferencije o autentičnosti nacionalne manjine u BiH, aktivnosti u procesu izmjene Zakona o pravima pripadnika nacionalnih manjina, način finansiranja rada Vijeća, učešće u projektu Vijeća Evrope i stručne posjete državnim tijelima u općinama/gradovima BiH i Mađarske.

Sve sjednice održane su u planirano vrijeme i na svakoj sjednici bio je kvorum članova Vijeća potreban za rad.

Sastanci Vijeća i pripreme sjednica organiziraju se uz značajnu stručnu i tehničku pomoć Ureda sekretara Zajedničke komisije za ljudska prava Parlamentarne skupštine Bosne i Hercegovine.

III. Priprema i izrada dokumenata

U izvještajnom periodu pripremljeni su i izrađeni sljedeći dokumenti:

a) Plan rada Vijeća za 2019. godinu

Na osnovu iskustava u dosadašnjem radu Vijeća i procjene aktivnosti koje bi Vijeće trebalo realizirati u narednom periodu, predsjedavajući je predložio Plan rada Vijeća za 2019. godinu, koji su članovi Vijeća usvojili na 44. sjednici Vijeća, održanoj 19. 12. 2018.

b) Izvještaj o radu Vijeća nacionalnih manjina za 2018. godinu

Izvještaj o radu Vijeća nacionalnih manjina za 2018. godinu usvojen je na 45. sjednici Vijeća, 25. 1. 2019.

c) Kriteriji za izbor članova Vijeća nacionalnih manjina

Vijeće je u nekoliko navrata 2017. i 2018. godine pokretalo inicijativu za definiranje kriterija za izbor članova Vijeća. S ciljem prevazilaženja problema nedostatka pisanih kriterija za izbor predstavnika nacionalnih manjina u Vijeće, Vijeće je na 40. sjednici, održanoj 30. 8. 2018, analiziralo zaključke svih vijeća u BiH koja zastupaju interese nacionalnih manjina u vezi s definiranjem kriterija za izbor članova Vijeća. Vijeće je analiziralo kriterije na 41. sjednici, održanoj 26. 9. 2018, i na 42. sjednici, održanoj 17. 10. 2018, prihvatilo definirane kriterije. Prijedlog kriterija analiziran je zajedno s prijedlozima kriterija drugih vijeća / saveza nacionalnih manjina na sastanku u Konjicu, održanom 4. 12. 2018. (sastanak u organizaciji Vijeća Evrope). Na sastanku je prihvaćen jedinstven prijedlog kriterija za izbor članova Vijeća, koji će u 2019. godini biti upućen nadležnim institucijama Parlamentarne skupštine BiH, prvenstveno Zajedničkoj komisiji za ljudska prava.

Problem nedostatka kriterija za izbor članova Vijeća komentaran je u Izvještaju Evropske komisije o Bosni i Hercegovini za 2016. godinu u kojem se na str. 25 navodi: „Nedostatak resursa i političkih poluga u donošenju odluka ometaju djelotvornost i učinak vijeća nacionalnih manjina na državnom i entitetskom nivou. Ispolitizirani i složeni postupci imenovanja, također, potkopavaju legitimnost i sposobnost vijeća da rade ispravno.“ U ključnim nalazima Izvještaja o Bosni i Hercegovini za 2018. godinu Vijeće se ne navodi eksplicitno kao tema, ali se navodi sljedeće: „Postignut je određeni napredak u pitanjima **ljudskih prava** i manjina. Međutim, potrebna su suštinska unapređenja strateškog, pravnog, institucionalnog i političkog okvira za poštivanje ljudskih prava.“

d) Plan posjeta općinama / gradovima u BiH

Na prijedlog člana Vijeća Dragana Markovića definiran je plan posjeta općinama i gradovima u BiH, što je jedna od aktivnosti Vijeća planirana za 2018. godinu. Plan posjeta razmatran je na 38, 39, 40, 41. i 42. sjednici Vijeća. Plan posjeta nije u cijelosti ostvaren zbog nemogućnosti učešća članova Vijeća u posjetama prema predloženoj dinamici. Shodno planu aktivnosti, Vijeće je obavilo posjetu Gradu Doboju 26. 9. 2018. Sastanak Vijeća bio je s potpredsjednikom Skupštine Grada Doboja i šefom Kabineta gradonačelnika. Obavljena je posjeta Vijeću nacionalnih manjina regije Doboj i Jevrejskoj općini Doboj. Druga posjeta bila je posjeta Gradu Tuzli 22. 11. 2018. Sastanak Vijeća bio je s predstavnicima Grada Tuzla, Komisijom za zaštitu prava nacionalnih manjina pri Gradskom vijeću Tuzle, te udruženjima nacionalnih manjina Tuzle. Obje posjete bile su uspješne i svrsishodne.

IV. Priprema i izrada inicijativa

U izvještajnom periodu razmatrane su i upućene u proceduru sljedeće inicijative:

a) Inicijativa za izmjenu Poslovnika Vijeća nacionalnih manjina BiH

Na prijedlog člana Dragana Markovića Vijeće je na 33. sjednici, održanoj 25. 1. 2018, razmatralo inicijativu za izmjenu Poslovnika Vijeća i zaključilo da inicijativa, u vremenu predlaganja, ne bi doprinijela efikasnosti rada Vijeća, pa je predlagač povukao svoj prijedlog i o njemu se nije izjašnjavao.

b) Inicijativa za sistemsko rješavanje finansiranja udruženja nacionalnih manjina

Vijeće je na 33. sjednici, održanoj 25. 1. 2018, tražilo uspostavljanje sistemskog finansiranja udruženja nacionalnih manjina u BiH. Inicijativa je upućena Parlamentarnoj skupštini BiH, koja je 6. 3. 2018. inicijativu preusmjerila na Komisiju za ljudska prava. Komisija za ljudska prava je šest puta odgađala sjednicu na kojoj je bila tačka dnevnog reda o sistemskom finansiranju udruženja nacionalnih manjina. Sjednice su odgođene 16. 4, 16. 5, 17. 5, 29. 5, 25. 7. i 3. 9. 2018, a odgađanja sjednica su rezultat nedolaska članova Komisije na sjednice, pa time i nedostatka kvoruma. Svaki put su se članovi Vijeća odazvali na poziv i dolazili na planirane sjednice. Od septembra 2018. godine nije zakazivana sjednica Zajedničke komisije za ljudska prava, tako da do februara 2019. godine predložena tačka dnevnog reda Vijeća nije razmatrana.

c) Inicijativa za izmjenu i dopunu Zakona o prebivalištu i boravištu državljana BiH, s posebnim fokusom na nacionalne manjine

Inicijativu je podnio član Vijeća Nedžad Jusić, a razmatrana je na 35. sjednici 13. 3. 2018. na kojoj je zaključeno da se Ministarstvu civilnih poslova uputi zahtjev za davanje odgovora na specifična pitanja, a najvažnije *kako i pod kojim uslovima građani BiH mogu prijaviti mjesto boravišta u BiH ako nemaju u posjedu imovinu*. Ministarstvo je poslalo odgovor 19. 4. 2018, broj: 05/7-50-19-1016/18.

d) Inicijativa za poništenje registracije pravnog subjekta Savez nacionalnih manjina u BiH

Vijeće je na 38. sjednici, održanoj 26. 6. 2018, razmatralo dopise UGIP Rino Zandonai Tuzla, Saveza nacionalnih manjina RS i Saveza nacionalnih manjina u BiH, gdje su UGIP Rino Zandonai i Savez nacionalnih manjina RS predlagali poništenje registracije i nepriznavanje Saveza nacionalnih manjina u BiH. Vijeće je na istoj sjednici donijelo zaključak da Vijeće nacionalnih manjina BiH ne podržava djelovanje pravnog subjekta pod nazivom Savez nacionalnih manjina u BiH. Isti stav su u pismenoj formi Vijeću dostavili: Vijeće nacionalnih manjina RS, Savez nacionalnih manjina RS i Savez slovenačkih društava u BiH „Evropa sad“. Zahtjev za poništenje registracije subjekta Savez nacionalnih manjina u BiH upućen je Ministarstvu pravde BiH koje je odgovorilo da je Savez nacionalnih manjina u BiH registriran po zakonskim osnovama i neće se poništiti registracija.

e) Inicijative za posjete inozemnim vijećima nacionalnih manjina i realizacija posjete Mađarskoj

Vijeće je na 36, 37, 40, 41. i 43. sjednici razmatralo inicijativu za posjetu inozemnim vijećima nacionalnih manjina, s fokusom na Mađarsku. Članica Vijeća Eva Pašić-Juhas koordinirala je posjetu Mađarskoj, koja je realizirana od 10. do 14. 12. 2018.

Shodno planu posjete, obavljene su posjete Parlamentu Mađarske, Odboru za nacionalne manjine Parlamenta Mađarske i Ombudsmenu za ljudska prava i manjinskim zajednicama sa sjedištem u Budimpešti (Hrvatska – zajedno s većim brojem drugih zajednica, Ukrajinska i Romska). Posjeta je bila korisna posebno u oblasti političkog zastupanja nacionalnih manjina, zakonodavnog okvira za nacionalne manjine i načina kulturnog djelovanja manjinskih zajednica u Mađarskoj. Posjeta je obavljena u sklopu Plana rada Vijeća za 2018. godinu.

V. Sastanci

- a) Održan je sastanak Vijeća nacionalnih manjina sa Zajedničkom komisijom za ljudska prava i predstavnicama Udruženja „Bolja budućnost“, 20. 3. 2018. u Sarajevu;
- b) U 2018. godini održana su tri sastanka s Uredom sekretara Zajedničke komisije za ljudska prava na kojima se razgovaralo o pripremama sjednica Vijeća, realizaciji aktivnosti u nadležnosti Ureda sekretara, izradi dokumenata i realizaciji logističkih pitanja (službena putovanja, dogovor o planu posjete Mađarskoj, organizacija osiguranja finansiranja posjeta gradovima u BiH i u Mađarskoj, izrada poziva za sjednice, slanje materijala i dopisa i slično). Osim na sastancima, Ured sekretara stalno telefonom i e-mailom komunicira s predsjedavajućim i članovima Vijeća;
- c) Vijeće je organiziralo radni sastanak o temi: „Iskustva u radu i djelovanju vijeća nacionalnih manjina u BiH“, koji je održan u Sarajevu 17. 7. 2018, u saradnji sa OSCE-om u BiH. Na sastanku su učestvovali predsjedavajući vijeća nacionalnih manjina na različitim nivoima vlasti, a to je bio prvi sastanak ovakve vrste gdje su pripadnici nacionalnih manjina mogli čuti kako funkcioniraju, šta rade i koje poteškoće imaju vijeća nacionalnih manjina;
- d) Predsjedavajući Vijeća učestvovao je na prvom sastanku Savjetodavnog odbora za izvještaj o humanom razvoju za 2018, koji organizira UNDP i Ambasada Švicarske u Sarajevu 23. 5. 2018.

VI. Informacije

U izvještajnom periodu Vijeće je uputilo i razmatralo niz upita i informacija značajnih za Vijeće:

- a) **Instituciji ombudsmena za ljudska prava** je 24. 4. 2018. upućen zahtjev za informaciju kako se provodi Zakon o zabrani diskriminacije BiH po pitanju nacionalnih manjina i da li je bilo prijava diskriminacije po osnovu pripadnosti nacionalnoj manjini.
- b) **Informacija o odgovorima na prijedlog Vijeća o uvođenju fakultativne nastave za pripadnika nacionalnih manjina u BiH na jezicima nacionalnih manjina** (inicijativu pokrenulo Vijeće 2017. godine). Odgovor dostavili Federalno ministarstvo obrazovanja i nauke, Ministarstvo obrazovanja, nauke, kulture i sporta Hercegovačko-neretvanskog kantona, Ministarstvo obrazovanja, nauke, kulture i sporta Zeničko-dobojskog kantona i Ministarstvo obrazovanja i nauke Tuzlanskog kantona. Sve institucije pokazale su spremnost za podršku djeci pripadnicima nacionalnih manjina, posebno Romima, kao i

spremnost na poštivanje međunarodnih konvencija. Shodno ograničenim kapacitetima imaju ograničene mogućnosti uvođenja fakultativne nastave u škole na području svoje nadležnosti.

VII. Rad s medijima

U izvještajnom periodu aktivnosti Vijeća dokumentovane su u štampanim i elektronskim medijima, a najviše na internetskim stranicama:

- a) intervju predsjedavajućeg Vijeća za portal Srpska.info 2. 7. 2018;
- b) izjave za lokalne medije na sastancima Koordinacionog odbora Projekta Vijeća Evrope u Prijedoru 20. 9. 2018;
- c) gostovanje predsjedavajućeg Vijeća u Centralnom dnevniku Federalne TV 17. 10. 2018;
- d) gostovanje u TV programu RTVTK 22. 10. 2018;
- e) gostovanje predsjedavajućeg Vijeća u radioemisiji BHRT-a *Svi različiti, svi ravnopravni* 24. 10. 2018;
- f) intervju za RTVTK 30. 10. 2018;
- g) gostovanje predsjedavajućeg Vijeća u radioemisiji *Među nama o nama*, BH Radija 1, 17. 10. 2018, emitirano 31. 10. 2018;
- h) intervju više članova Vijeća za vrijeme posjete Gradskoj upravi Tuzla, RTV 7, RTV Slon, RTVTK, 22. 11. 2018;
- i) intervju za portal analitika.ba 28. 12. 2018.

Rad Vijeća redovno prati Sektor za odnose s javnošću Parlamentarne skupštine BiH, te informacije o radu Vijeća objavljuje na veb-stranici Parlamentarne skupštine BiH/Vijeća. Informacije se objavljuju i na drugim portalima, npr: oslobodjenje.ba, dnevno.ba, avaz.ba, fena.ba, bhrt.ba, bhstring.net, rtvslon.ba, portal-udar.net, b1info.ba, novovrijeme.ba, srpskainfo.com, depo.ba itd.

VIII. Ostale aktivnosti Vijeća nacionalnih manjina BiH

- a) **Publiciranje Zbornika radova s konferencije Autentičnost nacionalne manjine u BiH** - nije okončano u 2018. zbog obima poslova službe nadležne za pripremu publikacija koje izdaje Parlamentarna skupština BiH. Svi materijali spremni su za publiciranje, što se očekuje početkom 2019. godine.

- b)** Članovi Vijeća imenovani su u upravna tijela **Projekta „Jačanje zaštite nacionalnih manjina u BiH“** koji realizira Vijeće Evrope: Upravni odbor - Velibor Kuvač, Koordinacioni odbor - Tihomir Knežiček, Jovanka Manžalović-Šalaka, Nedžad Jusić i Jakob Finci. U okviru Projekta članovi Vijeća učestvovali su u sljedećim aktivnostima:
1. uvodni sastanak Projekta - Sarajevo, 16. 5. 2018,
 2. sastanci Upravnog odbora Projekta - Sarajevo, 16. 5. 2018, i Trebinje, 7. 9. 2018,
 3. sastanci Koordinacionog odbora Projekta - Sarajevo, 6. 6. 2018, Prijedor, 20. 9. 2018, i Konjic, 4. 12. 2018,
 4. obuka u oblasti medijskog predstavljanja nacionalnih manjina - Prijedor, 21. 9. 2018,
 5. obuka u oblasti izvještavanja - Konjic, 5. 12. 2018;
- c)** Komemoracija povodom obilježavanja 27. januara, Međunarodnog dana sjećanja na žrtve holokausta, održana je u Sarajevu, 26. 1. 2018, uz učešće predsjednika Jevrejske zajednice u Bosni i Hercegovini i člana Vijeća Jakoba Fincija;
- d)** Radionica „Jačanje kapaciteta Institucije ombudsmena za ljudska prava u borbi protiv diskriminacije“, održana u Sarajevu, 29. 1. 2018, kojoj je prisustvovala Jovanka Manžalović-Šalaka;
- e)** Članovi Vijeća prisustvovali manifestaciji „Dani makedonske kulture“ koja je održana u Brčkom, 13. 3. 2018;
- f)** Putem Sektora za odnose s javnošću Parlamentarne skupštine BiH upućena čestitka Romima u BiH u povodu obilježavanja 8. aprila, Svjetskog dana Roma. Istim povodom bilo je obraćanje člana Vijeća Nedžada Jusića, predstavnika romske manjine, na 35. sjednici Vijeća;
- g)** Predsjedavajući i članovi Vijeća (Tihomir Knežiček, Andrija Svatok i Todorka Jovanović) prisustvovali manifestaciji „Šesti sajam nacionalnih manjina“, Doboj, 21. 4. 2018;
- h)** Predsjedavajući i članovi Vijeća učestvovali na tematskoj sjednici Zajedničke komisije za ljudska prava Parlamentarne skupštine BiH „Položaj Romkinja u BiH“ koja je, u saradnji s Udruženjem Romkinja „Bolja budućnost“ Tuzla, održana 4. 6. 2018. u Sarajevu;
- i)** Predsjedavajući bio u posjeti institucijama zaduženim za zaštitu nacionalnih manjina u Srbiji i Vojvodini, u organizaciji OSCE-a, od 11. do 13. 6. 2018;
- j)** Ministarstvo za ljudska prava i izbjeglice BiH izvještavalo Vijeće o dinamici realizacije objave javnog poziva za grantove za udruženja nacionalnih manjina u BiH za 2018;

- k) Vijeće Evrope izvijestilo Vijeće o pokretanju i realizaciji projekta pod nazivom „Jačanje zaštite nacionalnih manjina u BiH“ koji realizira Vijeće Evrope u pet općina / gradova BiH;
- l) Učešće članova Vijeća u odgovorima na upitnik o izmjeni zakona o nacionalnim manjinama u okviru Projekta Vijeća Evrope „Jačanje zaštite nacionalnih manjina u BiH“;
- m) Informacija o sastanku, održanom 7. 9. 2018, u vezi s položajem nacionalnih manjina u BiH povodom izbora u 2018;
- n) Na obilježavanju 15 godina rada Saveza nacionalnih manjina BiH učestvovali su: Tihomir Knežiček, Andrija Svatok, Jovanka Manžalović-Šalaka i Marija Grbić. Svečana akademija i smotra nacionalnih manjina održana je u Banjoj Luci 22. 9. 2018;
- o) Povodom 5. novembra, Svjetskog dana romskog jezika, Udruženje žena Romkinja „Bolja budućnost“ iz Tuzle organiziralo je svečanost u Tuzli, uz prisustvo predsjedavajućeg Vijeća;
- p) Predsjedavajući Vijeća učestvovao na konferenciji Vijeća Evrope „Tolerantna i inkluzivna društva na Zapadnom Balkanu“, u Podgorici, 14. i 15. 11. 2018, gdje je bio uvodničar u jednoj od sesija konferencije;
- q) Članovi Vijeća dobili od Ministarstva za ljudska prava i izbjeglice BiH izvještaj tj. mišljenje prof. Rainera Hofmanna o potrebi izmjene Zakona o pravima pripadnika nacionalnih manjina u BiH. Članovi Vijeća dali su komentare Ministarstvu za ljudska prava i izbjeglice BiH na mišljenje njemačkog prof. Rainera Hofmanna 22. 11. 2018;
- r) Članovi Vijeća učestvovali su u kampanji obilježavanja 70. godišnjice Univerzalne deklaracije o ljudskim pravima i promocije deklaracije i Dana ljudskih prava (10. decembar), po osnovu uputa i dopisa Visokog komesarijata za ljudska prava;
- s) Uručena Zahvalnica Želimiru Laliću iz Odjela za rad s nacionalnim manjinama Ministarstva za ljudska prava i izbjeglice BiH za doprinos u djelovanju i radu Vijeća nacionalnih manjina BiH, 20. 12. 2018;
- t) Članovi Vijeća učestvovali su na manifestaciji MINORITY – Dani nacionalnih manjina Kantona Sarajevo, održanoj od 24. do 26. 5. 2018. u Sarajevu.

Predstavnici Vijeća nacionalnih manjina, kao i svih prethodnih godina, nisu pozivani na obilježavanje državnih i vjerskih praznika, svečanosti ili obilježavanje značajnih datuma koje su organizirali državni, politički i vjerski zvaničnici u Bosni i Hercegovini tokom 2018. godine.

Vijeće nacionalnih manjina je na sjednicama predlagalo nadležnim institucijama da se Vijeće uključi u popunjavanje Upitnika Evropske komisije u poglavljima koja se odnose na položaj pripadnika nacionalnih manjina. Vijeće nije konsultirano u pogledu davanja dodatnih odgovora na Upitnik Evropske komisije i nije poznato kakvi su dodatni odgovori dati u Upitniku.

IX. Zaključak

Vijeće ima efikasnu saradnju s Ministarstvom za ljudska prava i izbjeglice BiH, ali odnos ostalih institucija BiH prema Vijeću nije na zadovoljavajućem nivou.

U Izvještaju o radu Vijeća za 2017. navedeno je: „Vijeće u 2018. godini očekuje promjenu stanja i kvalitetnije uvažavanje prijedloga koje daje Vijeće kao savjetodavno tijelo pri Parlamentarnoj skupštini BiH“. Navedeno očekivanje u 2018. nije ispunjeno, prvenstveno zbog političkih predizbornih aktivnosti, a dijelom zbog neefikasnosti rada nadležnih parlamentarnih tijela.

Vijeće nacionalnih manjina BiH realiziralo je sve aktivnosti koje su bile u direktnoj nadležnosti Vijeća i koje su predviđene Planom rada Vijeća za 2018. godinu.

Predsjedavajući Vijeća nacionalnih manjina BiH

Prof. dr. Tihomir Knežiček